

粵東要樞
閩浙再紀
江上議欵

瑞之

中西紀事

卷陸皇卷捌

上海圖書館藏
江蘇省立圖書館藏
江蘇省立圖書館藏

上海圖書館藏

上海圖書館藏

上海圖書館藏

中西紀事卷之六

上江塞塞

粵東要撫

二十年冬欽差大臣大學士琦善至粵尋奉

旨署兩廣總督義律自天津赴浙亦由浙回粵以相國撫議已定請撤沿海防衛許之時洋艘皆泊虎門為入省河之咽喉水師提督駐焉其在外之礮臺凡二日沙角曰大角皆有防兵自十九年燒烟之後益增守戍凡官設之師船火船下至漁舟蛋戶快蟹扒龍悉排列口門內外至是裁減官艘酌留其三分之一而招募之舵工水勇散遣殆盡矣義律乘舟來往省會首索烟價繼又求給香港馬頭行文照會目趣相國回文以昭憑信相國以事關割地遷延不覆議律見兵勇漸撤虎門空虛數遣人挑戰相國亟傳諭止之義律曰戰而後商未為晚也十二月十五日英人糾約漢奸乘坐多船直逼虎門外之沙角礮臺三江

副將陳連升督兵拒之初以地雷扛礮擊斃夷兵四百餘人援兵不至英人並力攻之遂奪礮臺陳連升及其子陳舉鵬千總張清鶴皆力戰死焉英人進攻大角礮臺守臺之千總黎志安受傷將礮位推落水中潰圍而出遂并奪大角悉取水中礮位分兵戍守於時虎門危急水師提督關天培守靖遠礮臺總兵李廷玉守威遠礮臺遣弁告急於相國請增兵以固省城之門戶而相國仍執撫議不許提鎮固請乃密遣兵二百名乘夜暗度不令義律知也義律挾兵以要相國照覆之文因前此有戰後再商之語乃仍以索烟價香港為詞行文照會水師提督於嶺以三日內回覆之限相國據以奏聞其畧曰該逆不候回文輒行攻擊迨兩礮臺奪破後提臣請將該夷前次來文從權照覆藉以作緩兵之計庶可量為布置等因函致前來伏思此間水師兵械技藝廢弛已久經該夷猖獗之後益形氣餒為今之計總須設法先行止住夷船俾得並力籌辦而該夷前日來文本有戰後再商之說臣以該夷續有所請其來文接收與否反

屬兩難若如該提臣所請將前日來文從權照覆而今次情形已與前日不同該夷既不候照覆此間更不值覆伊前日之文惟思該夷前日具報之書總應聽候回文何以輒先滋擾不若借此作為詰問之詞觀其是何意見再行登覆庶以後該夷續有來文係其稟覆文書既於

國體无傷或仍可設法羈縻甫經備文去後復准提臣函請十六日辰刻

即破礮

臺之

次日將虜我官兵何一魁釋放交其隨帶致該提臣文書一件經提臣簽復發

去隨又一書列明請求各款聲稱聽候於三日內照覆等語隨代提臣具覆將文稿寄交繕發告以業經行文諮詢俟其登覆再辦現尚未据回報等因是時相國意在緩兵仍執撫議羈縻之迨兩礮臺奪破之奏至

上已簡授親臣宿將一意進勦義律亦偵知大兵將至所請不行踰年而粵東之衅復起

二十一年正月相國與義律相見於蓮花城定香港之約也初英人挾兵要撫

數行文照會索香港甚力相國慮虎門失倖事許之而未敢入奏義律度香港未可驟得續請獻出沙角大角礮臺並遣人赴浙繳還定海以易之又趣相國回覆相國乃以出查礮位與義律訂期見焉義律凡兩見相國出其所定貿易章程及給予香港全島如澳門故事相國皆許之義律又請蓋用關防相國不可但傳言屬其安靜守候一面咨會伊相收復定海省釋夷俘一面据其照會來文附摺陳奏時

上方授奕山為靖逆將軍隆文楊芳為參贊大臣飭即馳赴粵中勦辦適相國奏至大怒奉

上諭覽奏曷勝憤懣不料琦善怯懦無能一至於此該夷兩次在浙江粵東肆進攻占縣城礮臺傷我鎮將大員荼毒生民驚擾郡邑大逆不道覆載難容先論繳還定海獻出礮臺之語不足深信即使真能退地亦只復我疆土其被戕之官兵罹害之民人切齒同仇神人共憤若不痛加勦洗向以伸天討而示國

威奕山隆文兼程前進迅即馳赴廣東整我兵旅殲茲醜類務將首從各犯通夷漢奸檻送京師盡法處治至琦善身膺重寄不能聲明大義拒絕要求竟甘受其欺侮已出情理之外且屬奉諭旨不准收受夷書膽敢附摺呈遞代為懇求是何居心且據稱同城之將軍都統巡撫學政及司道府縣均經會商何以摺內呵精呵怡良等並未會銜所奏顯有不實琦善著革去大學拔去花翎仍交部嚴加議處欽此是時義律自以香港業經相國說明允給遂於該處擅出偽示曉諭居民指香港為英之屬地又行文照會大鵬營副將令其將內地營汛撤回副將照抄來文由提督咨會到粵粵撫怡良據以奏聞其言畧自琦善到粵以後如何辦理未經知會到臣忽聞外間傳說義律已在香港出有偽示逼該令處民人歸順彼國等語方謂傳聞未確豈惑人心隨據水師提督臣轉據副將票抄偽示移咨前來臣不勝駭異惟大西洋自前明寄居香山縣屬之澳門相沿已久均歸中國之同知縣丞管轄而議者猶以為非計今該夷竟敢

將

天朝士民占踞全島該處去虎門甚近片帆可到沿海各州縣勢必刻刻防閑且此後內地犯法之徒必以此為藏納之藪是地方既因之不靖而法律亦有所不行更恐犬羊之性反覆无常一有要求不遂之時必仍以非禮相向雖欲追悔從前其何可及伏思

聖慮周詳無遠不照何待臣鯁鯁過計但臣忽聞海疆要地外夷公然主宰並敢以

天朝百姓稱為英國之民臣實不勝憤恨第一切駕馭機宜臣無從悉其顛末惟於上年十二月二十八日欽奉

諭旨調集兵丁預備進剿並令琦善同林則徐鄧廷楨妥為辦理均經宣示臣等晤見時亦悉心稟請添募兵勇以壯聲威固守虎門礮臺防堵入省要隘今英夷窺伺多端實有措手莫及之勢現既見有夷文偽示不敢緘默謹照錄以

聞奉

上諭香港地方緊要前經琦善奏明如或給予必至屯兵聚糧建臺設礮久之
覬覦廣東流弊不可勝言旋又奏請准其在廣東通商並給予香港泊舟寄住
前後自相矛盾已出情理之外況此時並未奉旨允行何以該督即令其公然
占踞怡良所奏覽之曷勝憤恨朕君臨天下尺土一民莫非國家所有琦善擅
予香港擅准通商膽敢乞朕格外恩施且伊被人恐嚇奏報粵省情形妄稱地
理无要可扼軍器无利可恃兵力不堅民情不固摘舉數端危言要挾更不知
是何肺腑如此辜恩誤國實屬喪盡天良琦善著即革職拏問所有家產即行
查抄入官欽此維時將軍贊參已在途次連奉

廷寄合兼程赴粵而琦相仍以定海收復撫事可成遂續奏呈香港地勢及現
在籌辦情形

上恐該將軍等到粵復踵權宜請撫之故轍當將琦善前後摺奏及兩次

硃批給交將軍等看復奉

廷寄言英夷種種不法殊堪髮指前有旨令楊芳先行赴粵會防並令奕山等兼程前進計已接奉遵行該將軍等到粵後務即會集各路官兵一意進剿不可存一通商之見稍涉游移更不可因有繳還定海之事少加寬縱又密飭將軍等訪查當日琦善與義律屢次晤面談論香港之事彼時有無官員在旁該夷目與琦善有無私相餽送之事逐一查明據實具奏等因當琦相上年之赴粵也 陛辭出都沿途諏訪當習夷語之人行至山東有東省濰縣知縣招子庸者廣東人述有同鄉鮑鵬在署素通夷語遂由東撫推轂挈之至粵鮑鵬以前年在粵充夷館買辦與義律相識又以販烟土賺重利經粵督查辦私梟入之訪拏案內鵬懼罪潛逃山東迨隨相國入粵數與義律往還所有請給香港退還定海之事皆鮑鵬居間來往作說客而相國以事關通夷特祕之中外藉藉語寢聞於

上及二角之役

上決意主勦見相國始終欲為義律乞恩以此益疑之而相國果以夷逆聞大兵將集意圖先事滋擾入奏遂有虎門之師

二月初六日英夷乘舟闖入虎門靖遠礮臺臨水師提督關天培死之時靖逆將軍奉

命赴粵尚在江西途次而叅贊果勇侯楊芳自固原提督任所先行甫入粵界上以該逆有先事滋擾之信由六百里字寄將軍等並將琦善原奏抄給閱看謂該逆退出定海勢必將在浙兵船歸併粵洋恃衆負隅儘力抗拒若我師兵力單弱遽行進勦恐有疎失方有旨飭令粵省廣州將軍巡撫等宜暫時協力防守以俟大兵之集詎義律偵知謀為先發之制遂於是日駛駕火輪兵船直入虎門口內關天培督兵守護靖遠礮臺開礮擊中夷舟一有頃英人以大幫連檣而進我營軍士衆寡不敵紛紛潰散提督中鎗自刎遂陷焉時威遠橫檔

等處礮臺聞警自潰總兵李廷鈺副將劉大忠皆敗走英師乘勝長驅直泊烏涌湖南鎮總兵祥福拒戰不克與其戲下二將赴敵死之烏涌去省六十里會城震動是月十二日果勇侯楊芳到粵其時各路官兵未齊集而虎門內外之舟師悉被逆夷燒燬礮臺既失礮亦隨之果勇議以堵為勦值二十四日英人將以舟師闖入省河經鳳皇岡官兵擊退不意長潮之際南風大起英人又添派兵船杉板共三十餘艘乘風擁至迭被官兵轟擊逆船恃其堅厚且行且拒冒死深入飛礮火藥並力注攻果勇懼蹈虎門覆轍復議羈縻而彌利堅稱款之舟適至彌利堅者舊制通商之國來粵之貨船也以十九年秋冬間定泊澳洋正查驗進口而停止英夷貿易之令下於是外洋各國應遵舊例駛赴黃埔開艙卸貨者悉被英師船攬阻不能進口迭奉

上諭所有恭順之各國均准照常貿易值英夷犯順各國仍阻遏外洋不得入自虎門之役英人攻破烏涌卡座夷舟直達黃埔因而向准通商之彌利堅佛

即西及港脚等國貨船隨後進口欲援例呈請開艙通風皇岡之役官兵相持英人狡逞于是彌利堅領事赴會稟訴呈請進埔開艙兼為英人緩頰大意謂該夷既經繳還定海不敢更有他求惟貿易一事係

天朝二百年來稠疊恩施不得不代懇法外施仁仍循舊制呈出義律所立筆據有不討別情惟求恩准照常貿易如帶違禁之貨即將貨船入官字樣又言英國貿易之夷人實未隨同滋事若貨船入口正可藉以制服師船等語果勇見省城厄急亦欲藉此以作緩兵之計遂與粵撫聯銜奏請奉

嚴旨切責而義律果不受撫遂有窺省之役 四月英人以舟師橫亘省河謀攻粵也初琦相被逮

上赫然震怒趣令進兵而果勇侯楊芳時以勲臣宿將首先入粵義律為之稍斂續因彌利堅呈請通商据情代奏而義律索烟價香港之吠聲復作粵東省河自烏涌以內其迤東之要隘曰獵德曰二沙尾西南之要隘曰大黃灣皆有

礮臺分兵駐守琦相聞英人將入虎門層層撥撤意在專守省城而英兵已堵
塞其上下游之路消息不通時靖遠及參贊隆文皆已抵粵問計於林制使制
使請先遣洋商設法羈縻俾各夷船暫退稍遠仍將獵德大黃港等處密運巨
石雇齊人夫乘夜填塞一面調撥里兵兩岸防守仍于岸上多備沙袋以為撞
礮之需然是時各隘口兵勇已撤所有前備之木椿石塊悉被英人陸續起去
復以杉板小船往來游奕牽制多端大府計無所施惟嚴重閉之令而英舟已
銜尾抵城下矣初一日英人駛入火輪兵船先泊城外十三洋行河南官兵出
而禦之殺傷皆相當我水師之被轟擊者捐三其艘初二日英人調火撥輪船
二分襲省西之泥城泥城者佛山鎮之要路北門之管寄焉協將代昌與戴罪
留管之劉大忠守之間礮聲倉皇遠遁官兵皆望風而靡遂燒我師船六十餘
號又乘勝回劫十三洋行修通怨也初三日英人分股登岸水陸交攻防兵皆
潰焚燬城外民房火光燭天初五日英人攻四方礮臺臺據省城之後山俯瞰

全城城中兇惡時有閩中新募之水勇初到入城督撫飛檄救援將軍阿精阿以省城緊要遣員持令箭截回四方礮臺遂隔焉維時軍民皆閉於城中不得出外援既絕英人距堙而攻之每夜輒以火箭火彈穿射城中軍民重足於是廣州府知府余葆純復請議撫而義律志在索烟價一千二百萬大府有難免越日礮子直穿入老城貢院前將軍以下皆懼乃遣余葆純出城見義律許以烟價之半時彌利堅商人有在城外者居間排解議遂定余葆純請令夷船退出虎門外而義律要以俟賂款清後將軍參贊撤兵退出城外然後起旋輿中官吏有從旁而怒髮決眦者然卒死以難也省中以初八日解嚴越二日英人始退出四方礮擊臺靖逆慮傷

國體乃捏稱初八日焚擊痛勦大挫其鋒續奏稱義律窮蹙乞撫求准照舊通商並出具永不售賣鴉片烟土甘結將所付六百萬作為追交商款完案其六百萬之款由粵海及藩運兩庫給之仍以十五日將軍及隆參贊退駐會城外

六十里之小金山英人乃續陸駛舟出虎門外是役也

上見夷情恭順姑准在省通商而粵東節次焚勦之奏不過為在事員弁虛級冒功張本

上亦知之不復深詰也

方撫事之定也粵東士民以大府無謀官兵示怯一時謗議沸騰適英人以賂撤故去四方礮臺之兵肆掠於城外初十日將入佛山鎮取路泥城過蕭關三元里里人因其淫掠起憤譁然爭逐之予是一時鳴金揭竿而起者聯絡一百有三鄉不戒而集頃刻間男婦數千人圍之數重義律預焉時夷衆不過千餘冒死抵拒被村衆擊斃兵目二人夷黨二百餘人義律遣人突圍而出走告太守太守慮敗撫議亟出城排解之鄉民漸漸解散義律乃得遁回舟中是時將軍參贊尚在省城兵勇未撤烟價未交有以為事機之可乘者而余葆純夜乘徑出大府相率為掩耳盜鈴之計

傳聞當日余守出城彈壓實奉大府密諭並有文札可憑後因粵民交詬欲自行呈揭大

府止之迨該守告病歸仍加道銜蓋大府以此慰藉之也王廉訪信申謂其私自出城或諱言之抑其時廉訪實不知耳豈有城外人聲鼎沸而大府如木偶者今以為掩耳盜鈴差得其實於是粵中清議尤集矢于太守遂糾集一百三鄉之紳士耆老嘔血誓師語侵當時並以余葆純私放義律為通夷賣國之尤而太守自是不容於粵矣當上年林制使查辦烟案時余方在南雄州任內奉調至省實相與左右之至是以附和琦相不復自顧其矛盾遂奉命數與義律往還談論烟價香港之事及將軍叅贊既至更為張大其腐鼠之嚇撫事已定卒以重賂完城靖逆為入之焚勸案內以旌其伐故粵東成敗之局夫已氏實始終之云

按撫事之局

成廟偶中於琦相先入之言不能無動迨舉事一不效輒幡然中悔授鉞誓師轉圜未為不速而其究也元戎逼脅於垂堂老將因循於拱墓於是粵東要撫之勢成而邊陲割地之議起矣當英夷垂涎澳門不可得乃役志於香港琦相亦知香港既給必至屯兵聚糧建臺設礮流弊不可勝言一旦為義律